

ԿԱՌԱՎԱՐՄԱՆ ՄԱՐՄԻՆՆԵՐԻ ՄԻՋԱՆԿՅԱԼ ԶԵԿՈՒՅՑ

Թողարկողի հետագա հնարավոր զարգացման նկարագիրը հաջորդ հաշվետու ժամանակաշրջանի համար

2024 թվականին Ընկերությունը շարունակելու է զգալի ներդրումներ կատարել ռազմավարական տեսանկյունից կարևորագույն ուղղությունների զարգացման մեջ: Ընկերության ռազմավարության առանցքային հենասյուներից մեկը կոմունիկացիոն ցանցերի մշտական արդիականացումն է, ինչպես նաև նորարարական և ժամանակակից լուծումների ներդրումը, որն իր հերթին կբերի ոլորտի շարունակական զարգացմանը:

Ցանցերի արդիականացումը ենթադրում է ցանցային, սերվերային և ծրագրային հզոր և ճկուն ենթակառուցվածքի ստեղծում, որը ներառում է 25G-PON նորագույն տեխնոլոգիայի հիման վրա FTTH ցանցի հասանելիության ընդլայնում հանրապետության ողջ տարածքում, շարժական ցանցի ծածկույթի ընդլայնում և գործող շարժական ցանցի որակի բարելավում:

Ճկուն ենթակառուցվածքի առանցքային նախապայմաններից է բիլինգային համակարգի արդիականացումը, ինչը թույլ կտա բաժանորդներին առաջարկել միասնական համակարգ. մեկ հարթակում բազմաթիվ ծառայություններից, ինչպես նաև նոր փաթեթային առաջարկներից օգտվելու հնարավորություն: Նախագծի մեկնարկը տրվել է 2023 թվականի երկրորդ կիսամյակում և նախատեսվում է ավարտել 2024 թվականին:

Ամրկացված և շարժական կապի ծառայությունների որակի և հասանելիության աճին զուգահեռ Ընկերությունը նախատեսում է մեծացնել բաժանորդների քանակը նաև կոնվերգենտ փաթեթների/ծառայությունների գրավիչ առաջարկներով, որտեղ շարժական ծառայությունները կապակցված են ամրակցված լայնաշերտ ինտերնետի, IPTV-ի և ֆիքսված ձայնային ծառայություններին:

Ընկերությունը կարևորում է հաճախորդների լավագույն փորձառությունը շփման բոլոր կետերում՝ իր հաճախորդ համարելով նաև Team հավելվածների և ծառայությունների բոլոր օգտատերերին, որոնց քանակի ավելացումը նույնպես Ընկերության առաջիկա տարվա առաջնահերթություններից է:

Ընկերությունը իրականացնում է հաճախորդների առաջխաղացման ինդեքսի Net Promoter Score (NPS) մշտական մոնիտորինգ՝ հաճախորդների գոհունակության բարձրացմանն ուղղված գործողությունների արդյունավետությունը գնահատելու նպատակով:

Ընկերության հետագա զարգացման առանցքային ուղղություններից է նաև ճկուն և բարձրակարգ միջազգային կապուղիների ենթակառուցվածքի ստեղծումը, որը կամրապնդի ՀՀ դերը որպես տարանցիկ շրջան Ասիայից Եվրոպա տվյալների փոխանցման համար:

ԿՑՎՈՍ Է ՄԻՋԱՆԿՅԱԼ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

Ընկերությունն արդեն իսկ ունի գործուն DWDM օպտիկամանրաթելային ցանց, որի միջոցով ապահովվում է կապը դեպի Վրաստան և Եվրոպա: DWDM ցանցի արդիականացումները էլ ավելի կբարձրացնեն տվյալների տարանցման թողունակությունը:

Ընկերությունը մեծ կարևորություն է տալիս արդյունավետ կառավարման և ոլորտի լավագույն չափանիշների պահպանմանն ուղղված միջազգային ստանդարտների ներդրմանը: Համաձայն ստանձնած պարտավորությունների՝ Ընկերությունը 2023 թվականին արդեն իսկ ստացել է ISO 27001 տեղեկատվական անվտանգության հավաստագիր, իսկ հաջորդիվ նախատեսվում է ISO 9001:2015 որակի միջազգային ստանդարտի հավաստագրումը:

Ընկերության առաքելությունն է մարդկանց շփումն ու աշխատանքը դարձնել ավելի հասանելի ու հարմար՝ ներդնելով նորագույն թվային տեխնոլոգիաները: Առաջիկա տարիների բոլոր նախաձեռնություններն ու ծրագրերն միտված են այս առաքելության իրականացմանը:

ԷԱԿԱՆ ՓԱՍՏԵՐ ԵՎ ՏԵՂԵԿՈՒԹՅՈՒՆՆԵՐ

«Տելեկոմ Արմենիա» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

ՀՀ, ք. Երևան 0014, Ազատության պող. 24/1,

Հեռ.՝ (+37410) 410410

Էլ. փոստ՝ info@telecomarmenia.am

Հաշվետվություն թիվ 2, 31.03.2024

Ստորև ներկայացվում են դատական գործերի վերաբերյալ էական փոփոխությունները 31.03.2024թ. դրությամբ.

1. Թիվ ՎԴ/0693/05/21 վարչական գործով ՀՀ վարչական դատարանի 11.05.2023թ. վճռի դեմ վարչական գործով պատասխանող՝ ՀՀ մրցակցության պաշտպանության հանձնաժողովը, երրորդ անձինք՝ «ԹԻՄ» ՓԲԸ, Հայկ Հովիկի Եսայանը, Ալեքսանդր Հովիկի Եսայանը ներկայացրել են վերաքննիչ բողոքներ:

ՀՀ վերաքննիչ վարչական դատարանը 29.01.2024 թվականի որոշմամբ վարչական գործով պատասխանող ՀՀ մրցակցության պաշտպանության հանձնաժողովի, ինչպես նաև երրորդ անձինք «ԹԻՄ» փակ բաժնետիրական ընկերության, Հայկ Հովիկի Եսայանի, Ալեքսանդր Հովիկի Եսայանի ներկայացրած վերաքննիչ բողոքները բավարարել է մասնակիորեն՝ թիվ ՎԴ/0693/05/21 վարչական գործով ՀՀ վարչական դատարանի 11.05.2023թ. կայացված վճիռը՝ Հայկ Եսայանի և Ալեքսանդր Եսայանի կողմից «ՎԵՈՆ Արմենիա» ընկերության բաժնետոմսերի ձեռքբերմանն ուղղված գործողությունները որպես չբացահայտված տեղեկատվության օգտագործմամբ և ֆիդուցիար պարտավորությունների խախտման դրսևորմամբ անբարեխիղճ մրցակցություն որակելուն պատասխանողին պարտավորեցնելու մասին հայցը բավարարելու և դրա հետ կապված դատական ծախսերը բաշխելու մասով, բեկանել է:

ՀՀ վարչական դատարանի 11.05.2023թ. թիվ ՎԴ/0693/05/21 վարչական գործով կայացրած վճիռը՝ «ԹԻՄ» փակ բաժնետիրական ընկերության կողմից «ՎԵՈՆ Արմենիա» ընկերության բաժնետոմսերի ձեռքբերմանն ուղղված գործողությունները որպես չբացահայտված տեղեկատվության օգտագործմամբ և ֆիդուցիար պարտավորությունների խախտման դրսևորմամբ անբարեխիղճ մրցակցություն որակելուն պատասխանողին պարտավորեցնելու մասին հայցը բավարարելու և դրա հետ կապված դատական ծախսերը բաշխելու բողոքարկված ու չբեկանված մնացած մասով, թողել է անփոփոխ:

Նույն վարչական գործով պատասխանող՝ ՀՀ մրցակցության պաշտպանության հանձնաժողովը, երրորդ անձինք՝ «ԹԻՄ» ՓԲԸ, Հայկ Հովիկի Եսայանը, Ալեքսանդր Հովիկի Եսայանը 29.02.2024թ. ներկայացրել են վճռաբեկ բողոքներ ՀՀ վերաքննիչ վարչական դատարանի 29.01.2024թ. որոշման անբարենպաստ մասի դեմ:

ԿՑԿՈՍ Է ՄԻՋԱՆԿՅԱԼ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

2. Թիվ ՎԴ/6727/05/20 վարչական գործով հայցվոր «Յուքոմ» ՓԲԸ կողմից ներկայացված վերաքննիչ բողոքը ՀՀ վերաքննիչ վարչական դատարանի 20.12.2023թ. որոշմամբ ամբողջությամբ մերժվել է:

ՀՀ վերաքննիչ վարչական դատարանի 20.12.2023թ. որոշման դեմ «Յուքոմ» ՓԲԸ 20.01.2024թ. ներկայացրել է վճռաբեկ բողոք:

ՀՀ վճռաբեկ դատարանի վարչական պալատը 21.02.2024թ. որոշմամբ «Յուքոմ» ՓԲԸ վճռաբեկ բողոքը վերադարձել է:

«Յուքոմ» ՓԲԸ 11.03.2024թ. կրկին ներկայացրել է վճռաբեկ բողոք:

ՏԵԼԵԿՈՍ ԱՐՄԵՆԻԱ ԲԲԸ-ն 13/02/2024 թվականին ձեռք է բերել "ԵՍ ԵՄ" ՓԲԸ կանոնադրական կապիտալի 8.33 % ը կազմող քվեարկող հասարակ անվանական բաժնետոմսերը

ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

Իմ լավագույն տեղեկացվածության համաձայն ֆինանսական հաշվետվությունները ճշգրիտ և լիարժեք ձևով արտացոլում են թողարկողի ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը, իսկ կառավարման մարմինների միջանկյալ զեկույցում ներառված տեղեկությունները ճշգրիտ և լիարժեք են:

«Տելեկոմ Արմենիա» ԲԲԸ

Հայկ Եսայան

Գլխավոր տնօրեն



Մայիս 21, 2024